



Bou ons kinders vir môre

Godsdiensonderrig 1

Lestitel: Ontwikkeling van die volk van Israel tot die tyd van Salomo

'n Ouerhandleiding

Sondagskooltuisonderrig



Liewe Ouer

Welkom by die les “**Ontwikkeling van die volk van Israel tot die tyd van Salomo**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ontwikkeling van die volk Israel tot die tyd van Salomo
Bybelwoord	Geen Bybelverse nie
Lesdoelwit	Die kinders kry 'n oorsig van die kronologie van gebeure vir die volk van Israel tot die verdeling van die koninkryk.

Lesopsomming:

- 'n Kroniek is 'n rekord van historiese gebeure wat in volgorde beskryf word. Dit vertel van spesiale gebeure uit die verlede en bevat die datums waarop die gebeure plaasgevind het.
- Die volk van Israel is die nageslag van Abraham; daarom is Abraham hul voorouer en hy is gebore ongeveer 2000 vC, wat 2000 jaar voor die geboorte van Christus beteken.
- Abraham en sy vrou Sarah het 'n seun met die naam van Isak gehad. Isak het met Rebekka getrou en hulle het twee seuns, Esau en Jakob, gehad.
- Jakob het die seën van die eersgeborene van Isak ontvang en moes van Esau vlug. Jakob moes by Laban, Rebekka se broer, bly. Jakob, wat later Israel genoem word, het twaalf seuns gehad. Die oudste was Reuben en die jongste Benjamin. Josef was Jakob se gunstelingseun, wat deur sy broers as slaaf verkoop is en na Egipte geneem is. Jakob verhuis saam met sy gesin na Egipte en vestig hom daar.
- Moses, die broer van Aaron en Miriam, het in Farao se howe grootgeword. Moses het uit Egipte na Midian gevlug. Moses en Aaron het Farao gevra om die Israeliete uit Egipte te laat gaan, tien plae is gestuur en Farao het hulle en die volk toe laat gaan.
- Josua het die opvolger van Moses geword en onder sy leiding het Israel vir Kanaän verower.
- God het regters opgestel. Twee van hierdie regters was Gideon en Simson.
- Samuel was 'n profeet en die laaste regter van Israel. Saul het Israel se eerste koning geword. Hy was ongehoorsaam aan God en is verwerp.
- Dawid het Israel se tweede koning geword. Hy het Jerusalem die hoofstad gemaak en was die skrywer van die Psalms. Dawid was 'n afstammeling van Juda, die vierde seun van Jakob.
- Salomo, die seun van koning Dawid en Batseba, het koning van Israel geword.
- Koning Salomo het die eerste tempel in Israel gebou.
- Salomo is oorlede en die koninkryk van Israel is in twee dele verdeel. Die noordelike koninkryk het die naam Israel behou, met Samaria as hoofstad, en die suidelike koninkryk was Juda genoem, met Jerusalem as hoofstad.



Wat beteken hierdie les vandag vir ons?

- 'n Kroniek is 'n rekord van belangrike historiese gebeure in 'n opeenvolgende volgorde.
- 'n Kroniek kan op verskillende maniere gehou word, byvoorbeeld 'n tabel met datums en name of selfs 'n stamboom.
- Noudat u die kroniek van die volk Israel ken, probeer jou eie Nuwe Apostoliese geskiedenis ondersoek. Waar het jou Nuwe Apostoliese geloof in jou gesin begin? Wie was jou voorouer? Om pret hiermee te hê, kan dit 'n gesinsprojek wees.

Doen oefening 1 en 2 saam met u kind.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen